

Sarajevo,

Broj:

20-06-2019

02-03-31212

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl. novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-30660 od 18.06.2019.godine, Generalna direktorica donosi:

ODLUKU

o izboru najpovoljnijeg ponuđača za nabavku i isporuku lasera za razbijanje kamenca i i EKG aparata za potrebe Klinike za anesteziju

I

Prihvata se prijedlog Komisije za javnu nabavku, Izvještaj br. 03-06-30660 od 18.06.2019.godine za nabavku i isporuku lasera za razbijanje kamenca za potrebe Klinike za urologiju i EKG aparata za potrebe Klinike za anesteziju nakon provedenog, ponovljenog, otvorenog postupka javne nabavke i ugovor dodjeljuje najpovoljnijem ponuđaču:

SONO-MEDICAL d.o.o. Sarajevo

za Lot 1 - Laser za razbijanje kamenca u mokraćnom mjehuru (za primjenu u litotripsiji, uretrotomiji, transuretarnoj inciziji prostate/TUIP) za potrebe Klinike za urologiju,

- **Ukupna vrijednost: 89.600,00 KM + PDV 15.232,00 KM = 104.832,00 KM sa PDV-om**

- Tip ponuđenog: - QUANTA SYSTEMS S.p.A. LITHO

- Uslovi plaćanja: odgođeno plaćanje u roku od 30 dana, od dana isporuke, montaže, puštanja u rad i obavljene edukacije, te nakon primopredaje aparata uz prisustvo predstavnika ponuđača i ugovornog organa i obostranog potpisivanja Zapisnika o primopredaji uređaja, te ispostavljanja fakture.

- Rok isporuke, montaže i puštanja opreme u rad: do 45 dana od potpisivanja ugovora i izdavanja narudžbenice.

- Garancija na isporučenu opremu je 12 mjeseci, a teče od dana isporuke, instalacije, puštanja u rad i potpisivanja zapisnika o primopredaji.

II

Postupak nabavke se poništava za Lot 2 - Nabavka EKG aparata za potrebe Klinike za anesteziju i reanimaciju u skladu sa Čl. 69.tačka 2) a) jer u krajnjem određenom roku nije dostavljena ni jedna ponuda.

III

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1 Tenderske dokumentacije, ukoliko istu nisu predali uz ponudu, u skladu sa dostavljenom Izjavom ponuđača, ne starijih od 3 mjeseca računajući od momenta predaje ponude.

IV

Ova Odluka stupa na snagu danom donošenja i objavit će se na web stranici KCUS-a putem web stranice Kantona Sarajevo istovremeno sa dostavljanjem ponuđačima, učesnicima u postupku javne nabavke.

O B R A Z L O Ž E N J E

Na osnovu Odluke o pokretanju postupka javne nabavke br.02-03-19763 od 15.04.2019.godine Klinički centar Univerziteta u Sarajevu je 18.04.2019. godine objavio Obavještenje o nabavci broj: 893-1-1-243-3-159/19 i ispravku br. 893-1-1-243-8-204/19 na portalu e-nabavke zajedno sa tenderskom dokumentacijom za nabavku i isporuku lasera za razbijanje kamenca za potrebe Klinike za urologiju i EKG aparata za potrebe Klinike za anesteziju, a ukupna procijenjena vrijednost nabavke za 2 Lot-a iznosi 95.000,00 KM bez PDV-a. Nabavka je planirana Izmjenom i dopunom privremenog Plana javnih nabavki za 2019.god. pod klasifikacijom robe, red.br. 4.-Laser za razbijanje kamenca u mokraćnom mjehuru (90.000,00 KM bez PDV-

a), za potrebe Klinike za urologiju i EKG aparat (5.000,00 KM bez PDV-a) za potrebe Klinike za anesteziju i reanimaciju (Odluka o usvajanju izmjene i dopune privremenog Plana javnih nabavki KCUS-a za 2019.godinu br.318/18; protokol br.02-01-67042 od 25.12.2018.godine). Sredstva za nabavku su obezbjeđena, po presudi Općinskog suda u Sarajevu u iznosu od 1.980.042,79 KM.

Obzirom da je dokumentacija za postupak nabavke, objavljena na portalu e-Nabavke istu je preuzelo 13 (trinaest) potencijalnih ponuđača, a do krajnjeg roka određenog za prijem ponuda 28.05.2019.godine na Protokol Kliničkog centra dostavljene su dvije (2) ponude slijedećim redoslijedom:

1. SONO-MEDICAL d.o.o. Sarajevo (br. pr. 03-06-26811/ 27.05.2019.god.)- ponuda za Lot 1
2. MINERVA MEDICA d.o.o. Sarajevo (br. pr 03-06-26904/ 28.05.2019.god.)- ponuda za Lot 1

Obzirom da je KCUS u tenderskoj dokumentaciji naveo, koje zahtjeve treba da ispune ponuđači da bi stekli uslove za dalju kvalifikaciju u javnom nadmetanju, Komisija je precizno pregledala i uporedila dokumentaciju koju su ponuđači dostavili u svojoj ponudi.

Analizom dostavljene dokumentacije ponuda dostavljenih za Lot-1 Laser za razbijanje kamenca u mokraćnom mjehuru za potrebe Klinike za urologiju konstatovano je da su u dostavljenim ponudama priloženi traženi elementi ponude, ali prilikom analize tehničkih specifikacija iz dostavljenih ponuda Komisija je ustanovila da :

1. ponuda ponuđača MINERVA MEDICA d.o.o. Sarajevo nije u skladu sa tehničkim zahtjevima jer:
- tehničkim zahtjevom u tački 1.1. traženo je da Tip. Holmium YAG Laser minimalno 35W ; a ponuđač je ponudio 30W; za poziciju 1.2. tehničke specifikacija tražena je prosječna snaga: 35W a ponuđač je ponudio snagu 30W; za poziciju 1.4.- tražena je energija jačine minimalno: 0,2 – 5 J, a ponuđač je ponudio energiju jačine 0,2 – 3,5 J ; za poziciju 1.5. traženo je minimalno trajanje impulsa od 95 – 1500 μ s, a ponuđač je ponudio trajanje impulsa 150-500 μ s; za poziciju 1.6. traženo je da frekvencija/stopa ponavljanja bude 3 – 30 Hz, a ponuđač je ponudio frekvenciju/stopu ponavljanja 3 – 20 Hz.

Iz navedenih razloga **ponuda ponuđača Minerva Medica d.o.o. Sarajevo je neprihvatljiva** i ne može biti predmet vrednovanja u daljem toku natjecanja.

2. ponuda ponuđača SONO-MEDICAL d.o.o. Sarajevo ispunjava sve zahtjeve definisane tehničkom specifikacijom, te je prihvatljiva i može učestvovati u daljem toku natjecanja.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude, **postupak se okončava u skladu sa članom 69. ZJN.**

Radi zadovoljene transparentnosti i imajući u vidu da je za Lot 1. cijena jedine zadovoljavajuće ponude u okviru osiguranih sredstava za nabavku, Komisija je Izvještajem br. 03-06-30660 od 18.06.2019.godine dala prijedlog , da se donese odluka o izboru najpovoljnijeg ponuđača i ugovor dodjeli ponuđaču: Sono-Medical za Lot 1- Laser za razbijanje kamenca u mokraćnom mjehuru (za primjenu u litotripsiji, uretrotomiji, transuretarnoj inciziji prostate/TUIP) za potrebe Klinike za urologiju.

Prijedlog Komisije je prihvaćen i donijeta je odluka kao u dispozitivu.



GENERALNA DIREKTORICA
Prof.dr. Sebića Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:
- Ponuđačima;
- Tehnički sektor
- a/a KCUS